



TROMS fylkeskommune

ROMSSA fylkkasuohkan

Romsa 1.10.08

## Preassadieđáhus

### "Seminára "Strategiplána Romssa priváhttaarkiivva birra"

**Romssa fylkkasuohkan kulturetáhta bokte čađaha ovttasráđiid Romssa stáhtaarkiivvain ja ABM-utvikling (Stáhta guovddáš arkiivvaide, girjerádjosiidda ja museaide) oasseruhtademiin plánenbarggu čielggadit Romssa priváhttaarkiivabarggu strategija, organiserema ja ovdasvástádusjuokkima. Plána lea mielde našuvnnalaš vuoruheamis nannet priváhtta arkiivaávdnasiid barggu.**

Romssas lea Romssa stáhtaarkiiva mii lea leamaš priváhttaarkiivabarggu fylkkakoordinerema orgána dan rájes go Riikaantikvára 2002:s evttohii álggahit dakkár gealboguovddážiid buot fylkkaide. Dát lea leamaš gaskaboddosaš ornet, ja Riikaantikvára mielas lea leamaš dehálaš ahte priváhttaarkiivvaid bargu galgá čielgaseappot biddjot guovllulaš plánen- ja ovdánahttinbargui ja kulturpolitihkkii.

Priváhtta arkiivaávdnasat main lea almmolaš beroštupmi leat eanas organisašuvnnaid, priváhtta institušuvnnaid ja fitnodagaid arkiivvat. Arkiivaávdnasiin lea historjjálaš árvi ja mearkkašupmi vuoigatvuođadokumeantan. Romssas leat hui unnán diekkár dinggaid sealluhan, ja muhtun oasi vurkkodit eahpevuogálaččat ja eanas oassi ávdnasiin eai leat ordnejuvvon ja dan dihte eai ávkin. Dušše Finnmárkkus lea vearrát dilli, dieđusge lea dasa okta sivva go olu boldojuvvui eváhkoáiggis.

Bargu mii lea jođus lea biddjon Romssa 2008-2009 Fylkapláníi mas čuožžu: "...dárbu ásahit arkiivva Romsii vai sealluha dehálaš dokumenttaid ja čokkáldagaid, earenoamážit priváhtta ja báikkálašhistorjjálaš dásis, mat minddar livčče jávkan". Fylkkadiggedieđáhus kultuvrra birra 2005-2007 deattuha ahte Romssa priváhttaarkiivva bargu ferte dáhpáhuvvat fylkkasuohkana ja Stáhtaarkiivva arkiivafágalaš gelbbolašvuoda ovttasbargguin, ja ahte "...ferte ásahuvvot oktasaš prošeakta beliid gaskkas ulbmilin kártet, registreret ja gaskkustit priváhtta arkiivaávdnasiid". Fylkkasuohkana rolla dan viidásit barggus ii leat čielggaduvvon.

Oassin plánaproseassas, ja oassin viidásit barggu mearrádusvuodus, lágida kulturetáhtta ovttasráđiid Romssa stáhtaarkiivvain seminára mas priváhttaarkiivvaid váttisvuodaid dárkilit čuvgehit. Seminára lágiduvvo Romssa Fylkkaviesus, glgotmánu 3. beaivvi dii. 1000.

Oktavuohaolmmoš: Kst. fylkkagirjerájushoavda Birgit Larsen tlf. 77 78 82 18

